

刃光明自然通玄通妙又何愁性不靈靈功行滿也須當攜去
蓬瀛

贈涇陽縣二女姑

奇哉至理常淨常清易知易曉難行要做神仙須索認此爲憑
休別搜玄搜妙便澄心遣慾忘情無染著便無憎無愛無競無
爭 悟後觸來不動覺無中尺地悉皆歸甯日月同宮晝夜團
聚光明不神而神顯現駕祥雲奔赴蓬瀛朝玉帝顯真功清靜
道成

贈長安吉祥散人王姑

死生事繫懸甚兒孫怡然跳出家門物外逍遙住箇無事閑軒

道藏輯要

丹陽神光燦

完

胃集七
川×上

常常澄心絕慮便名爲捉馬擒猿塵念斷覺惺惺灑灑自悟玄
言 至妙精微去處在風鄰月伴兩腳雲根寂靜方知洞裏別
是乾坤性命豈由天地遮靈明返本還元歸蓬島更無生無滅
常存

贈零口通明散人害風魏姑

身爲女子志似男兒悟來跳出門兒道上搜尋戀其美女嬌兒
性似孤雲野鶴世塵緣不惹些兒眞脫灑便堪稱此箇大丈夫
兒 認正本來清淨更何須謂認虎兒龍兒也不整理離坎姤
女嬰兒無爲大功成就產一箇無相人兒陽純了便得與太上
做兒